

CONCURSO

ENERXIZA.RME2020

ESCOLA DE ENXEÑARÍA DE MINAS E ENERXÍA (EME) UNIVERSIDADE DE VIGO

Alcanzar a eficiencia enerxética é un dos retos perseguidos na actualidade pola nosa sociedade. A Escola de Enxeñaría de Minas e Enerxía da Universidade de Vigo lanza o concurso **ENERXIZA.RME2020**.

BASES DO CONCURSO

1. Este concurso vai destinado ao alumnado de terceiro e cuarto da ESO, de bacharelato e de ciclos formativos. Poñerase a proba o seu enxeño e creatividade, e reforzaranse os estándares de aprendizaxe dos currículos de terceiro e cuarto da ESO, e de primeiro e segundo de bacharelato, relacionados coa hidráulica, pneumática, circuítos e automática.
2. Os/As concursantes deberán construír unha maqueta dunha instalación na que se manifeste a busca desta eficiencia enerxética. Poderán presentar maquetas de:
 - Vivendas eficientes
 - Centrais e plantas de enerxías renovables, como eólica, hidráulica, xeotérmica etc.
3. Requírese **orixinalidade no deseño da maqueta** presentada ao concurso. Non se permite o emprego de maquetas comerciais.
4. **Non existen requisitos nas dimensións das creacións.**
5. **Non existe limitación en canto a materiais** (cartón, madeira, metal, plástico etc.) **ou tecnoloxías empregadas** para a súa construción (elaboración manual en taller, creación de pezas mediante impresoras 3D, procesos de mecanización etc.).
6. Os/As participantes usarán os seus coñecementos de hidráulica, pneumática, circuítos e automática para crear unha maqueta interactiva, reforzando desta maneira os estándares de aprendizaxe dos currículos de terceiro e cuarto da ESO, e de primeiro e segundo de

bacharelato.

7. As creacións constrúense por equipos, cun mínimo de tres e un máximo de seis integrantes. Os equipos estarán liderados por un/unha docente titor/a do **centro** educativo ao que pertenza o alumnado.

8. Ningunha persoa poderá participar en máis dun equipo, agás o/a docente do centro educativo. Só se permite presentar unha proposta por equipo.

9. Realízase a inscrición antes do **1 de febreiro do 2020, ás 20.00 horas**. Envíase ao enderezo electrónico eme@uvigo.gal o formulario de inscrición descargable na sección do concurso da web da **EME** (<http://minaseenerxia.uvigo.es/gl>) debidamente cuberto.

10. Antes do **20 de maio de 2020**, o/a docente enviará o anteproxecto da maqueta ao enderezo electrónico eme@uvigo.gal, indicando claramente o nome das persoas integrantes do equipo. A inscrición no concurso é gratuíta.

11. Segundo as solicitudes de inscrición recibidas, o equipo directivo da **EME** resérvase o dereito a crear diferentes **categorías** para as persoas participantes que cursen a ESO, bacharelato ou ciclos formativos.

12. O concurso poderá anularse se non se presentan un **número mínimo de creacións**.

13. A participación no concurso implica a plena aceptación destas bases.

RESOLUCIÓN DO CONCURSO

14. O xurado estará composto por un/unha especialista no ámbito da enxeñaría da enerxía, dous membros do persoal docente e investigador da Universidade de Vigo, un profesor/a de bacharelato e dous alumnos/as (un/unha por cada grao impartido na EME).

15. A competición e a entrega de premios terá lugar o **5 de xuño de 2020** nas instalacións da **EME**, en horario de mañá, co obxectivo de celebrar o **Día internacional do Medio ambiente**.

16. O xurado rexeitará as creacións que non cumpran o especificado nestas bases.

17. fallo do xurado será inapelable e publicitarase adecuadamente, podendo consultarse na sección do concurso en <http://minasyenergia.uvigo.es/gl/>.

18. O xurado resolverá calquera circunstancia que se produza durante o concurso e que non fose prevista nestas bases.

PREMIOS

19. Para cada categoría:

Primeiro premio: diploma e cheque por un valor de 300 € para o centro educativo.

Segundo premio: diploma e cheque por un valor de 150 € para o centro educativo

Cada participante recibirá un agasallo.

Os fondos destinados a estes premios irán con cargo á aplicación orzamentaria 2020.0008.111LL00.227.06.

Os premios estarán suxeitos á retención do 15% en concepto de IRPF.

Atrévete?

MÁIS INFORMACIÓN

Enderezo electrónico: eme@uvigo.gal

Tfno.: [986 814 077](tel:986814077)

TRATAMENTO DE DATOS PERSOAIS

De acordo co disposto no artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos, e polo que se derroga a Directiva 95/46/CE (Regulamento xeral de protección de datos -RXPd-), e co disposto no artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais, informámolo/a de que os datos que nos facilite na solicitude trátanse baixo a responsabilidade da Universidade de Vigo, coa finalidade de xestionar o presente procedemento, e amparados pola normativa vixente e pola convocatoria do proceso.

Coa súa participación nesta convocatoria as persoas interesadas autorizan a Universidade de Vigo a publicar os seus datos, de acordo cos principios de publicidade e de transparencia, cando así se derive da natureza deste procedemento.

Estes datos trátanse durante o tempo imprescindible para cumprir coa citada finalidade e conservanse durante o prazo necesario para determinar as posibles responsabilidades que se puidesen derivar da devandita finalidade e do tratamento dos datos.

A persoa solicitante garante que os datos achegados son verdadeiros, exactos, completos e actualizados, e é responsable de calquera dano ou prexuízo, directo ou indirecto, que se puidese

ocasionar como consecuencia do incumprimento de tal obriga. No caso de que a persoa solicitante facilite datos de terceiras persoas, manifesta contar co consentimento delas e comprométese a trasladarlles a información contida nesta cláusula, eximindo a Universidade de Vigo de calquera responsabilidade neste sentido.

O/A participante ten dereito a solicitarlle á persoa responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento.

Este dereito poderá exercelo mediante unha solicitude presentada ante o rexistro da Universidade de Vigo ou calquera dos rexistros indicados no artigo 16 da Lei 39/2015, do 1 de outubro, do procedemento administrativo común das administracións públicas, e remitida á Secretaría Xeral da Universidade de Vigo (campus de Vigo, As Lagoas, Marcosende, 36310 Vigo) coa referencia «protección de datos»; o escrito irá asinado e achegarase unha fotocopia do DNI. Para máis información: <https://www.uvigo.gal/proteccion-datos>.

Así mesmo, vostede ten dereito a presentar unha reclamación ante a Axencia Española de Protección de Datos (AEPD).